

دائرة مخصوصه

درسعادتده باب على جوارنده

محل اداره :

مشرط القلم

اخطار :

مسلكمزه موافق آثار جديده مع المنوئيه
قبول او انور

درج ابدله بن آثار اعاده او انور

دينه، فلسفه، علوم، حقوق، ادبياتده و سياسياتده و بالخاصه كرك سياسى و كرك اجتماعى و مدنى احوال و مشورده اسلاميه و دينى ايدى و هفته ده بر نشر انور.

آبونه بدلى

سنه لكى

التى آيلنى

ممالك عثمانيه ايجون ۸۰

روسيه » ۶۰۰

سائر ممالك اجنبيه » ۱۷

۴۰ غروش

۳۰۰ روبله

۹ قرانق

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قيرله دن مقوا بورو ايله كوندريليسره سنوى

۲۰ غروش فضله آلير

عدد : ۷۳

۱۵ مجرم ۳۲۸ پنجشنبه ۱۴ كانون ثانى ۳۲۵

اوچنچى جلد

ایله که مسعود اولمقدن کری قالمایورلر مش ؛ ایستر بو آدمیر ایمان ایتسونلر ، ایستر ایتسونلر ؛ ایستر اعمال فاضله ده بولمسونلر ، ایستر بولمسونلر ؛ ایستر بربرلرینه حق ، صبری توصیه ایتسونلر ، ایستر ایتسونلر ؛ مساوی ایمش .

ایشته بو ظنی بسلینلرک عددی هر وقت ، هر یرده صایله میه حق قدر چوقدر .

(الانسان) ده کی حرف تعریف استغراق ایچوندرکه (الالذین آمنوا) قول شریفنده کی استناده بوکا دلالت ایدر .

لسان عربده حرف تعریف ایله اولان استغراق منطقونک قضایای کلیه ده قوللاندقیری (کل) لفظیه اولان استغراق کی دکلدر . [هر نه قدر منطقون عندنده استغراق ایچون لام تعریف سورکلی قیلندن عد ایدلش ایسه ده] لام تعریف نکره میه مضاف اولوب جنسک جمیع افرادینه تعمیم حکم قصد اولنان (کل) . مساوی دکلدر . بولام تعریفدن آنجق عندالمخاطبین معهود اولان استغراق قصد اولنور . چونکه لام تعریف لسان عربده عهد ایله کرک فردده ، کرک افرادده جنسک تعریفی ایچون کلیر . هیچ بر زمان عهددن مفارق اولماز . کذلک نحو یونک عهد ذهنی ایچوندر دیه رک نکره ایله آره سنده کی فرق تعیننده اظهار حیرت ایتدکیری لام تعریفده بویله در . [یعنی عهددن خالی دکلدر] خصائص لسانه واقف اولمایانلر فرق لفظده ، لفظک اجرای احکامنده در ؛ معنایه کلنجه هیچ برفرق یوقدر ، دیورلرکه بوبروهم فاسددر . چونکه بر آدم اوشاغنه چارشیدن ات آل [اشترالحم من السوق] دیمش اولسه بوندن دنیاده بولنان هر درلو ات ، دنیاده بولنان هر درلو چارشی آکلاشیلماز . بلکه افندینک قصد ایتدیکی ، اوشاغکده صاتین آلمغه آلیشدینی برنوع ات ایله ، اوطوردقیری مملکتک اسواق مخصوصه سی قصد ایدلش اولور ؛ هر نه قدر بری تعین ایتسه ده . ایمدی عهد ایله تعریف لامدن اصلا مفارق دکلدر . عهد ذهنی ایچون کلن حرف تعریف ایله معرف اسم ایله نکره ده کی معنا آره سنده فرق ایسه خصائص لسانی بیلن ایچون آچقدر .

اوزرنده احکام انسانیه جاری اولان ، بوکی شئونده موضوع بحث ایدیلن انسان ایسه سن رشده بالغ ، خیری شری فارق بولنان انساندر ؛ یوقسه بویله یرده نه سن مکلفیه کیرمه مش چوققلر ، نه ده مجنونلر کیمسه نک عقلنه کلز . اکر (الانسان) یرینه (کل انسان) دیمش اولسه ایدی . اوزمان بونلرده شامل اولوردی . لام تعریف کل لفظک ادا ایتدیکی معنای آنجق قرینه ایله ویره بیلیر . بناء علیه آیتده کی استغراق حقیقه مصروفدرکه اوده ناسک بتون مکلف افرادینه شاملدر . ایستر بوفراد انیانک تبلیغاته مظهر اولسون ، ایستره اولسون .

(خسر) لغتده ضلال ، هلاک ، نقصان معنایینه کلیر . یامش اولدینی ایشک انسانه ایراث ایتدیکی هر برشر خسردر . خسران ، خسارتده بومعنایه در . زیرا انسان اوایشله بر فائده طلبنده بولنیوردی . حالبوکه

نتیجه بویله ظهور ایتیه رک سعی کنیدیسی ایتدیکنندن محروم براقیدینی ، بالعکس چکنیدیکی باشنه کتیردیکی ایچون خسره معروض قالیور . یعنی قصدنده ضلاله دوشمش ، نفسک آرزوسنی اسعاف خصوصنده نقص کوسترمش ، راحت طلب ایدرکن تعبیه کرفتار اولمش اولیور . سکالم ویره ن ، سنی محروم براقان ، نفسک صقندیسی ، قابنک اضطرانی موجب اولان هرشی آره دینک ذوق ایچون برنقصاندر .

سن استراحت قلب ، رفاه معیشت استحصالی مقصدیه برایش ایشلرده بالعکس اضطرابه دوشر ایسه ک قصدکده ضلاله ، سهیکده خساره اوغرامش اولورسک . آیتده کی خسر مطلقدر ؛ دنیوی ، یاخود اخروی قیدییه مقید دکلدر . آتی سوردهده مصرح اوصاف ایله انصاف ایتیم هر مکلف ایچون کرک بو حیات فانیه ده ، کرک اونی تعقیب ایده جک حیات باقیه ده خسراندن بر حصه واردر . زیرا یوقاریده سویلدی کمزوجهله سوردمکدر ؛ مکی سوردملرده کی خطاب ایسه برچوق آیتلرده عمومیدر (واللیل اذا یغشی) سورده سنده اولدینی کی .

مصر مفتیسی مرحوم شیخ محمد عبده

محمد عاکف

مِنَاقِبِ نَبِيِّهِ

— مابعد —

یا لها منة لقد ضوعف الاج

رعلیها من جنسها والجزاء

بوارضاع نه عظیم منت و لطف که بولطف جنسندن اوله رق حلیمه اوزرینه اجر و مکافات مضاعف قلندی . حلیمه سعدیه نک امید وار اولدینی بر مقابل دنیوی اولمقسرین رسول اکرمی ارضاع ایتسی نزد باریده امان نه قدر شایان قبول بر لطف ایمش که بولطفنه ینه کنندی جنسندن اوله رق قات قات اجر و مکافاتلر احسان اولندی . اوله برسال قحط و غلا ده قیونلر زبون ایکن سمیردیلر ، بر قطره سود ویرمز ایکن مبدولا سوت ویردیلر ، دها بوقیل نیجه نعمت و مکافاتلر ایله تلطف اولندی . حلیمه حضرتلرینک او نوزاد محترمی ارضاع ایلسی نزد الهیده یک مبجل بر لطف اولیه ایدی حقنده بویله پیایی عنایات الهیه بر توانداز ظهور اولماز ایدی .

بیانه اعراب و لغات

[یا لها] ده [یاء] حرف ندا و لام مفتوحدر . [هلا] منادی و ارضاعه راجع تأنیثی [فعله] تأویلی ایله در . ندا آنجق عاقله و یا عاقل منزله سنه تنزیل اولنان شیئه اولوب ارضاع ایسه بوقیلدن اولدیغنه مبنی بوراده ندا حقیقی اوزره مستعمل دکلدر . تعجب ایچوندر . عرب برشیئی استعظام ایلدیکی وقت اکا عل سبیل التعجب ندا ایدر ، کویا عظمتنه مبنی کندوسندن تعجب اولنان شی منادی سامع و عاقله تشبیه ایدلش اولیور . ناظم حضرتلریده حلیمه سعدیه نک

لقد بنعت بالهاشمی حلیمه مقاماً علا فی ذروة العز والمجد [۱]
وزارت مواشیها و اخبر ربها وقد عم هذا السعد کل بنی سعد
ناظم حضرتلرینک حاوی حکمت وموعظه اولان بویتنه علماء
بدیع نزدنده «کلام جامع» اطلاق اولنور. کلام جامع: بر حکمتی ویا
موعظه‌ی ویا بوکی مثل سائر مجراسته جاری حقائقدن برینی آز بر
کله ایله مشتمل اولان سوزدر. ابوالطیب المتنبی نک شو سوزی کی:
واذا كانت النفوس كباراً تعبت فی مرادها الاجسام
جمعه «جوامع الکلم» دینور. ناظم قدس سره حضرتلرینک
سوزلرنده کلام جامع یک چوقدر.

بیانه اعراب و لغات

[سخر] تسخیردن ماضی. تسخیر: رام و منقاد الیک و یاخود موفق قلمق
معناستنه در [اناساً] انسانک جمی در وناس معناستنه در. ناس انک مخفیدر
السعید [الغنی] لمحبة سعید و خدمته [تقدیرنده در]. فانهم [ده] [فاء] جوابیه در که
شرط جزا واقع اولان جمله نک اولنده بولنور: «ان تعذبهم فانهم عبادک وان
تعفر لهم فانک انت العزیز الحکیم» نظم جلیلنده اولدینی کی [سعداء] سعیدک جمی در.

برکت زاده اسماعیل حق

[۱] بحر طویلندر و مآلی حلیمه سعیده نبی هاشمی نک خدمتی سببیه
ذروة عز و مجده یوکلمش بر مقامه واصل اولدی، مواشیسی ارتدی، منزلنده
اسباب تعیش بوللاندی، نائل اولدینی بوسعدت منسوب اولدینی بتون بنی سعد
قبیله‌سته عام و شامل اولدی دیمکدر.

اجتهاده دائر

امیرهاد رضبیلدر:

امام احمد بن حنبل حضرتلری اهل سنت و آثارک طریقستنه
اصول و قواعد اعتباریه آیروجه بر تجددارائه ایتدی ایسه ده بو طریقک
ترقی و تکاملی خصوصنده یک بیوک یاردمی اولمشدر. آثار و سننک
جمع و تنقیی اوغورنده. وطنی اولان بغداددن کوفه، بصره، مکه،
مدینه، یمن، شام، جزیره... به قدر سیروساحت ایتمشدر. جناب
الله کندوسنه بیکلرجه حدیثی حفظ ایدیه بیلکه چک قدر کنیش بر قوه
حافظه احسان ایتشیدی.

حضرت امام اسلاف کرامدن توارث طریقله تلقی ایتدیکی اصول
و قواعد متفرقه فی تمامیه قبول ایتمکه برابر آنلری بولندقلری مفهوم
و معنا داخلنده ایضاح ایدهرک ثابت بر حاله افراغ ایتشیدی.

صوکره بتون مسائل فرعیة فقهیه شو اصول ثابته به ارجاع
ومذاهب سابقه نک بعض نقاط مخالفه سنی اصولی دائره‌سنده تنقید ایلدی.
امام احمد بن حنبل حضرتلری فتاویسی بش اصل اوزرینه بنا
ایدیوردی:

۱ - نصوص. بر مسئله حقنده کتاب و سنتدن بری موجود
بولنورسه مطلقا اوکا تمسک ایدر. خلافده وقوعه کلن قوله - کرک
صحابی به، کرک تابعی به منسوب اولسون - ذره قدر عطف اهمیت
ایتزدی.

او در یتیمی ارضاع الیمسی یوزندن نائل اولدینی الطاف جلیله به نظر ایدرک
او ارضاعی استعظام ایلش وحیرت و تعجبندن ناشی نفس ارضاعه ندا ایتمشدر.
[منه] تمیز اولق اوزره منصوب و بوراده نعمت و لطف معناستنه در. [لقد] ده
لام مابعدنده کی جمله نک مضمونی تأکید ایتجونددر. [ضوعف] مضاعفه دن ماضی
مجهول. مضاعفه: برشی اوزرینه بر مثل و یا امثالی زیاده قلمقده در. [الاجرا]
نائب فاعل، [الجزاء] انک اوزرینه عطف ردیف طریقله معطوف. اجر: بر
شیئک عوض و مکافاته دینور. بوراده [جزاء] ایله مراد اولان معنی ده بودر
[علیه] ده ضمیر حلیمه به راجعدر، شو حالده [علی] معنای اصلیمی اولان استعلا
ایتجونددر و یاخود ضمیر منته راجعدر، بوتقدیرجه [علی] تعلیل ایتجونددر [من]
جنسها [ضوعف] دن حال و ضمیر منته راجع.

واذا سخر الاله اناساً

لسعید فانهم سعداء

حلیمه سعیده حقنده ذکر اولنان نعم و الطافک رایگان بیورلمسی
جناب حق انی رسول اکرم افندمک ارضاعی کی بر فعل جمیله موفق
قلمسندن و بوده حلیمه نک سبق سعادتندن نشأت ایلش اولمغه ناظم
حضرتلری دیورکه: الله ناسی بر سعیده مسخر قلمقده انلرده سعیددرلر.
جناب حق انسانلری بر سعید و مبارکک محبت و خدمته مسخر و موفق
قلمقده او محبت و خدمت سببیه انلرده سعید و فرخنده اولورلر،
چونکه او سعیدک یمن و سعادتق محب و خادملرینه ده شامل اولور.
اثرده «المرء مع من احب من الاکابر وان لم یعمل بعملهم» دیه وارد
اولمشدر مآل شریفی: کشتی سودیکی اکابر ایله برابردر. هر تقدیر
انلرک عملی ایله عمل ایتسه ده - دیمکدر. ینه اثرده «الارواح جنود
مجندة فما تعارف منها ائتلف وما تناكر منها اختلف» دیه ورود ایتمشدر.
مآلی: ارواح جموع مجتمعه و انواع مختلفه اولوب بولنردن عالم ارواحده
طباعی بررینه توافق ایدنلری عالم اشباحه دخول ایلدکلرنده
ائتلاف ایتدیلر و عالم ارواحده طباعی بررینه توافق ایتیانلری عالم اشباحه
دخوللرنده اختلاف و نفرت اوزره اولدیلر دیمکدر. اما بونک خلافت اوله رق
صالحک طالحه و بالعکس طالحک صالحه محبتی کی بعضاً مشهود اولان
احوال یا طالحده صالحک صفاتنه موافق بر صفت جمیله و یاخود صالحده
طالحک صفات خبیثه‌سته موافق بر صفت خبیثه بولنمق صورتیه
بیشلرنده لابد بر جهت جامعده اولمسندن نشأت ایدر و محضاً بولندن
طولاییدر که بعضاً صالح و طالح اراستنه انس و محبت حاصل اولور.
روایت اولنور که صلحادن بر ذات ملحدلردن برینی سودیکی جهته
عجبا کندیسند ملحدک صفاتنه موافق بر صفت می وار دیه اندیشه
ایتمسی اوزرینه جناب حق او ملحدده حب آل بیت صفت جمیله سی
بولندیغه او صالحی مطلع قلدی که بوصف جمیله او صالحک صفاتنه
موافق ایدی. حلیمه حضرتلریله زوجنک و اولادینک بالوجوه
سعادتلری تحقق ایتدی، اعظم سعادتلری اولق اوزره شرف اسلام
ایله مشرف اولق بختیار لغنده نائل اولدیلر قطعه آتیه ده حلیمه
سعیده نک نائل اولدینی سعادت و بوسعدتک بتون بنی سعد قبیله سی
افرادینه عام و شامل اولدیغه اشارت اولمشدر: